

५०

विविधतीर्थकल्पे

२५. काम्पिल्यपुरतीर्थकल्पः ।

गंगामूलद्विअसिरिविमलजिणाययणमणहरसिरिस्स । कित्तेमि समासेणं कंपिल्लपुरस्स कप्पमहं ॥ १ ॥

अत्थि इहेव जंबुदीवे दीवे दक्खिणभारहखंडे पुब्बादिसाए पंचाला नाम जणवओ । तत्थ गंगानाम-
महानईतरंगभंगिपक्खालिज्जमाणपायारभित्तिअं कंपिल्लपुरं नाम नयरं । तत्थ तेरसमो तित्थयरो विमलनामा इक्खा-
5 गुकुलपईवकयवम्मनरिंदनंदणो सोमादेवीकुच्छिसिप्पिमुत्ताहलोवमो वराहलंछणो जच्चकणयवण्णो उप्पण्णो । तत्थ
तस्सेव भगवओ चवण-जम्मण-रज्जाभिसेअ-दिक्खा-केवलनाणलक्खणाइं पंचकल्लाणाइं जायाइं । इत्तुच्चिअ^१ तत्थ पएसे
पंचकल्लाणयं नाम नयरं रूढं । जत्थ य^२ तस्सेव भगवओ सूअरलंछणत्तणं पडुच्च देवेहिं महिमा कया तत्थ य
सूअरखित्तं पसिद्धिमुवगयं ।

तत्थेव नयरे दसमो चक्कवट्ठी हरिसेणो नाम संजाओ । तहा दुवालसमो सबभोमो बंभदत्तनामा तत्थेव
10 समुप्पण्णो ।

तहा वीरजिणनिवाणाओ दोहिं सएहिं वीसाए समहिएहिं वरिसाणं मिहिलाए नयरीए लच्छीहरे चेईए
महागिरीणं आयरियाणं कोडिन्नो नाम सीसो, तस्स^३ आसमित्तो नाम सीसो अणुप्पवायपुत्ते नेउण्णिय^४-
वत्थुम्मि छिन्नच्छेयणयवत्तवयाए आलावगं पढंतो विप्पडिवन्नो चतुत्थो निण्हवो जाओ । समुच्छेइयदिट्ठिं परूविन्तो एयं
कंपिल्लपुरमागओ । तत्थ खंडक्खा^५ नाम समणोवासगा । ते अ सुंकपाला तेहिं भएण उववत्तीहिय पडिबोहिओ ।
15 इत्थ संजयो^६ नाम राया हुत्था । सो अ पारद्वीए गओ केसरुज्जाणे मिए हए^७ पासितो तत्थ गइभालिं
अणगारं पासित्ता संविगो पवइत्ता सुगइं पत्तो ।

इत्थेव नयरे गागली कुमारो पिट्ठीचंपाहिवसाल-महासालाणं भाइणिज्जो^८ पिठर-जसवईणं पुत्तो
आसि । सो अ तेहिं माउलेहिं इतो नयराओ आहवित्ता पिट्ठीचंपारज्जे अहिसित्तो । तेहिं च गोअमसामिपासे
दिक्खा गहिआ । कालक्कमेणं गागलीवि अम्मापिउसहिओ गोअमसामिपासे जिणदिक्खं पडिवन्नो, सिद्धो अ ।
20 इत्थेव नयरे दिव्वमउडरयणपडिबिंबिअमुहत्तणपसिद्धेण नामधिज्जेण दुमुहो नाम नरवई कोमुईमहूसवे इंदके-
उं अलंकिअविभूसिअं महाजणजणियइड्डिसक्कारं दट्ठुं, दिणंतरे तं चेव भूमीए पडिअं पाएहिं विलुप्पमाणं अणाढाइज्ज-
माणं^९ दट्ठूण इड्डिं अणिड्डिं समुपेहिऊण पत्तेयबुद्धो जाओ ।

इत्थेव पुरे दोवई महासई दुवयनरिंदधुआ पंचण्हं पंडवाणं सयंवरमकासी ।
इत्थेव पुरे धम्मरूई नारिंदो अंगुलिज्जगरयणुक्खेडिअजिणिंदविबनमंसणदोसुब्भावणेणं पिसुणेहिं कोविण्ण
25 कासीसरेण विगहिओ वेसमणेण धम्मप्पभावेणं सबलवाहणं परचक्कं^{१०} गगणमग्गेणं कासीए नेउं नित्थारिओ ।
तस्सेव सम्माणभायणं जाओ ।

इच्चाअणेगसंविहाणगरयणनिहाणं एयं नयरं महातित्थं । इत्थ तित्थजत्ताकरणेणं भविअलोआ जिणसासण-
प्पभावणं कुणंता अज्जिति^{११} इहलोअपरलोइअसुहाइं, तित्थयरनामगुत्तं च ।

पिल्लिअ कुक्कम्मरिउणो कंपिल्लपुरस्स पवरतित्थस्स । कप्पं पढंतु असढा इय भणइ जिणप्पहो सूरी ॥ १ ॥

30

॥ श्रीकाम्पिल्यपुरकल्पः ॥

॥ अं० ३३, अ० ७ ॥

1 Pa इत्थच्चिअ । 2 'य' नास्ति Pa C । 3 P तस्सीसो । 4 P नेउण्णिय°; C नेउलिय° । 5 P खंडक्खा ।
6 Pa संजमो । 7 Pa इओ । 8 B भाणिज्जो । 9 B नास्ति पदमेतत् । 10 A C गमण°; D गमगण° । 11 इहलोइ-
असुहाइयसुहाइ ।